

故又曰魚難水經石門入洛

寰宇記

石門川源出黃龍山合麻坪川

水南注於洛

西安府志

石門在縣北十里石門麻坪二水會流處石山

突起中闢一門高廣各五六丈二水合流其中亦號為龍門

縣志

縣河

即武里水一名里清川一名清池川

在縣南二百步

縣圖

洛水東歷清池山傍東合

武里水其水南出武里山東北流注於洛

水經注

里清川謂之清池

川蓋以水在清池山傍名也

寰宇記

縣河之上源曰洗馬河在縣西

南四十里世傳樊噲洗馬處曰王病川一名秦王川在縣西南三

十里相傳唐秦王遊此而病故名俗又名黃栢川逕火燒寨北入

縣河曰大渠川在縣西南十里源出鳳凰山逕柳林鋪西入縣河

曰小渠川在縣西南五里亦出鳳凰山折而西遶呼雷山傍合大

渠水入縣河迤東又有南川一名乾河源出中幹山逕龍山西入

縣河又有東川一名撿帶谷河亦出中幹山合東西窄口水入縣